

SUID-AFRIKAANSE RADIOLIGA NUUS VIR SONDAG 7 MAART 2021

Goeie môre en welkom by die weeklikse nuus uitsending van die Suid-Afrikaanse Radioliga, gelees deur _____ (jou naam, roepsein en QTH)

Die Suid-Afrikaanse Radioliga saai elke Sondag nuus bulletins in Afrikaans sowel as Engels om 08:15 en 08:30 Sentraal Afrika Tyd onderskeidelik uit op HF sowel as op verskeie BHF- en UHF-herhalers. Hierdie uitsendings word ook via Echolink herlei deur Johan, ZS6JPL. Die oudio bulletins kan afgelaai word vanaf die Liga webwerf by www.sarl.org.za, terwyl die teks bulletins by <https://sarlnwsbulletin.wordpress.com/> afgelaai kan word. Om by die Mailchimp bulletin e-poslys aan te sluit, stuur 'n e-pos aan die SARL Sekretaris.

In die nuus vandag:

DIE SARL HAMNET KOMPETISIE VANMIDDAG

AMATEUR RADIO LISENSIE HERNUWINGS

en

'N BESIGE NAWEEK VIR 13 EN 14 MAART

Bly ingeskakel vir meer inligting oor hierdie en ander interessante nuus items.

Ons begin die bulletin met nuus van twee stil sleutels.

Dit is met leedwese dat ons aankondig dat die sleutel van Vincent Booyesen, ZS1VJB, stil geword het. Hy was ongelooflik betrokke by die hulp van mense in nood.

Ons betuig ons innige meegevoel met sy familie en vriende.

Dit is met leedwese dat ons aankondig dat die sleutel van Tom Wolstenholme, ZS6TRW, op Donderdag 4 Maart 2021 stil geword het nadat hy dapper geveg het teen 'n kort, maar ernstige siekte.

Ons betuig ons innige meegevoel met sy vrou Robyne, suster en familie en vriende.

POUSE

Jy luister na 'n nuusbuletin van die Suid-Afrikaanse Radioliga.

DIE SARL HAMNET KOMPETISIE VANMIDDAG

Die gewilde SARL HAMNET 40 m Gesimuleerde Nood kompetisie duur van 12:00 tot 14:00 UTC (14:00 tot 16:00 SAT) vanmiddag Sondag 7 Maart 2021 en is oop vir radio amateurs uit Suid-Afrika, Namibië, Botswana, Lesotho, eSwatini, Zimbabwe, Mosambiek, Marion-eiland en SANAE-basis. Daar is vier Klasse van deelname en die uitruiling word bepaal van die Klas waaraan jy deelneem. Maak dit 'n Klub veldstasie met 'n bring-en-braai! Stuur jou logstaat

in teen 23:59 SAT op Vrydag 12 Maart 2021 per e-pos aan contest@peham.co.za. Kry al die inligting op bladsy 93 van die 2021 Blouboek voordat die kompetisie begin.

ONTSLUIT AMATEUR RADIO TEGNOLOGIE

Die SARL Tegnologiese Simposium word op 27 Maart 2021 van 10:00 tot 14:00 SAT gehou. Registrasie sal volgende week open wanneer besonderhede op die SARL-web en in die SARL Nuus van volgende week gepubliseer sal word. Registrasie is gratis vir SARL-lede en R50 vir nie-lede. Die simposium word op die BlueJeans-platform aangebied.

OPDATERING OOR AMATEUR LISENSIE HERNUWING

Die SARL het vandeeweek met 'n senior raadslid van OKOSA in gesprek getree en die Liga se kommer uitgespreek oor die ingewikkelde proses van hernuwing van lisensies, lang vertragsings en in baie gevalle onbekende terminologie wat in die proses gebruik is, wat daartoe gelei het dat aansoeke van die hand gewys is. Die SARL het daarop gewys dat die beloofde gedetailleerde riglyne en video's nie beskikbaar is nie. In 2019, toe die eerste prototipe-stelsel getoets is, het OKOSA onderneem om 'n werkswinkel te reël as deel van die kwartaallike SARL/OKOSA-skakelvergadering. Nie een het gebeur nie. Die SARL het in 'n aparte brief aan die voorsitter en uitvoerende hoof 'n beroep op OKOSA gedoen om so gou moontlik 'n skakelvergadering tussen OKOSA en die SARL met die toepaslike senior amptenare te reël, soos vereis in die MOU.

In die interaksie vandeeweek met OKOSA het die SARL ook gevra dat die sperdatum van 1 April vir die hernuwing van lisensies met drie maande vertraag word of totdat 'n werkbare proses uitgevoer is. Die raadslid het bevestig dat die aangeleenthede wat deur die SARL geopper word gedurende die komende week op senior vlak bespreek sal word en het gesê dat hy van mening is dat OKOSA teen middel Maart gepas sal reageer op die kwessies wat die SARL namens Radio Amateurs geopper het. Die SARL beveel aan dat radio amateurs hul lisensie betaal soos voorheen gekommunikeer, maar nie probeer om die nuwe stelsel te betrek voordat die nodige riglyne en video's wat die proses verduidelik, beskikbaar is nie.

Lisensiehouers kan die lisensiegeld via EFT betaal en die betalingsbewys bewaar wat gebruik moet word by die oorskakeling na die nuwe stelsel. Bankbesonderhede is soos volg: Nedbank rekeningnommer: 14 62 00 29 27, takkode: 146245 - Korporatiewe kliëntedienste - Pretoria en tik jou lisensienommer en roepsein in die verwysingsveld. Die nuwe fooie is op www.sarl.org.za te vinde.

MOENIE die OKOSA-lisensiegeld in die SARL-bankrekening betaal nie, alle geld wat verkeerdlik in die SARL rekening betaal is, word terugbetaal minus die bankkoste verbonde aan hierdie transaksies. Soos voorheen versoek, stuur nie die SARL-sekretaris of president per e-pos nie, aangesien hulle jou nie in hierdie stadium kan help nie.

Jy luister na 'n nuusbuletin van die Suid-Afrikaanse Radioliga.

RADIO ZS INDEKS

Gert, ZS6GC en Cor, ZS6CR het al die uitgawes van Radio ZS wat op die Liga webwerf beskikbaar is, deurgegaan en 'n indeks van die artikels saamgestel. Die indeks begin met die uitgawe van November 1925 en eindig met die uitgawe van Maart 2021. Volg die skakel op die voorblad van die Liga webwerf om jou eksemplaar af te laai.

'N BESIGE NAWEEK VIR 13 EN 14 MAART

Gedurende die naweek van 13 en 14 Maart kan jy die QSO Today Virtuele Ekspo bywoon en deelneem aan die 84ste RSGB Statebond kompetisie wat Saterdag om 10:00 begin en 24 uur later eindig. Dit is slegs gelykgolf (GG) op 80, 40, 12, 15 en 10 meter. Die uitruiling is 'n RST-verslag en 'n reeksnommer vanaf 1, Hoofkwartier stasies sal ook 'HQ' stuur wat aangemeld moet word. Vind die reëls by www.rsgbcc.org/hf/rules/2021/rberu.shtml.

Dan bied die 46 BHF/UHF-groep die eerste skof van die SARL BHF/UHF Analooq kompetisie van 05:00 tot 11:00 UTC (07:00 tot 13:00 AAT) op Saterdag en Sondag aan. Die aktiwiteit is op 6 en 2 meter en 70 sentimeter en word in twee uur sessies verdeel. 05:00 tot 07:00 UTC is dit 6 meter, van 07:00 tot 09:00 UTC is dit 2 meter en van 09:00 tot 11:00 UTC is dit 70 cm. Die uitruiling is 'n RS-verslag en jou Maidenhead 6 karakter ruitblok. Jou logboek moet teen 23:59 SAT op Sondag 21 Maart 2021 per e-pos ingedien na sarlvhfuhfcontest@gmail.com. Al die inligting is op bladsy 44 van die 2021 Blouboek.

Die eerste skof van die SARL Nasionale Velddag begin om 08:00 UTC (10:00 SAT) op Saterdag 13 Maart en eindig om 06:00 UTC (08:00 SAT) op Sondag 14 Maart met GG, foon en digitale aktiwiteit op 160, 80, 40, 20, 15 en 10 meter. Die uitruiling is die aantal senders by jou stasie, die Velddag bedryfsklas en jou provinsiale of landsaafkorting. Let daarop dat Klas F: Agterplaas stasies by die reëls gevoeg is. En jy kan 50 bonuspunte verdien deur foto's van die stasie in aksie in te dien - portret grootte vir Radio ZS voorblad. Stuur jou logstaat in teen 23:59 SAT op Vrydag 19 Maart per e-pos aan zs4bfm@mweb.co.za. Die reëls is op bladsy 88 van die 2021 Blouboek. SARL Nuus is bewus van die Bloemfontein en Wesrand klubs wat hulle voorberei vir Velddag.

HF VOORTPLANTINGSVOORSPELLING

Hannes Coetzee, ZS6BZP, berig dat die verwagte sonaktiwiteitsvlak laag gaan wees. Tans is daar twee sonvlekgroepe met eenvoudige magnetiese samestellings sigbaar. Daar word nie enige sonfakkels voorspel nie. Diegene wat hulle eie frekwensievoorspellings wil doen, kan 'n verwagte effektiewe sonvlektelling van drie vir die week gebruik. Radio amateurs kan veral smiddae goeie DX openinge op die 15 tot 30 m bande verwag. Besoek gerus die webtuiste spaceweather.sansa.org.za vir meer inligting.

Nou die Dagboek van Gebeure vir die volgende paar weke:

Vandag - die SARL Hamnet 40 m-gesimuleerde nood kompetisie

8 Maart - Internasionale Vrouedag en die Wesrand vergadering

13 en 14 Maart - die SARL Nasionale Velddag; die SARL BHF/UHF Analoog kompetisie, die RSGB Statebond-kompetisie en die QSO Today Virtuele Ekspo

16 Maart - die PEARS- en Grens ARK vergaderings

17 Maart - St Patricks Dag en die SARL 80 m Klub naelloop

20 Maart - Herfs-ewening om 11:37 SAT en die Magalies en Highway ARK vergaderings

21 Maart - Menseregte in Suid-Afrika en Onafhanklikheidsdag in Namibië

22 Maart - Openbare vakansiedag in Namibië en Suid-Afrika en Wêreldwaterdag

23 Maart - Wêreld-Meteorologiese dag

27 Maart - Die SARL Tegnieke Simposium op die Bluejeans-platform; die Kaapstad- en Boland-Klub byeenkomste.

27 en 28 Maart - die CQ WPX ESB kompetisie

Ter afsluiting van ons bulletin, 'n samevatting van ons hoofnuus item

Die gewilde SARL HAMNET 40 m Gesimuleerde Nood kompetisie duur van 12:00 tot 14:00 UTC (14:00 tot 16:00 SAT) vanmiddag Sondag 7 Maart 2021. Daar is vier klasse wat deelneem en die uitruiling hang af van die klas waaraan jy deelneem. Kry al die inligting op bladsy 93 van die 2021 Blouboek voordat die kompetisie begin.

Dit bring ons aan die einde van hierdie bulletin.

Die Suid-Afrikaanse Radioliga se nuus diens nooi klubs en individue uit om nuus brokkies van belang vir radio amateurs en kortgolf luisteraars in te dien. Plaas nuus berigte indien moontlik, in beide Engels en Afrikaans op die Suid-Afrikaanse Radioliga webtuiste onder die 'news inbox' skakel nie later as die Donderdag wat die bulletin datum vooraf gaan nie.

Luister elke Sondag oggend om 10:00 Sentraal Afrika Tyd na "Amateur Radio Today." Daar is herleiding op 7 082 kHz laer syband deur Louis, ZS5LP en verskeie herleidings op BHF en UHF frekwensies regoor Suid-Afrika. 'n Heruitsending aangebied deur Andy ZS6ADY vind op Maandae aande om 19:30 Sentraal Afrika Tyd op 3 620 kHz plaas.

Ons ontvang graag jou sein rapporte, kommentaar en voorstelle, stuur 'n e-pos aan artoday@sarl.org.za.

Jy het geluister na 'n nuus uitsending van die Suid-Afrikaanse Radioliga, saam gestel deur Dennis Green, ZS4BS, geredigeer deur Deon Erwin, ZS1ZL en gelees deur

Van die nuus span, die beste wense vir die week vorentoe.